

摘藻堂四庫全書薈要

集部

欽定四庫全書薈要

集部

御選宋詩卷三十六

詳校官原任主事臣李斯咏



欽定四庫全書薈要卷一萬八千三百四十三

朱部

御選宋詩卷三十六

五言律詩二

梅堯臣

上巳日午橋石瀨中得雙鰕魚

修禊洛之濱湍流得素鱗多慙折腰吏來作食魚人水
髮粘蒿綠溪毛映渚春風沙暫時遠紫線憶江蓴

寒食前一日陪希深遠遊大字院



一百五將近千門煙火微閒過少傅宅喜見老萊衣晚
雨竹間霽春禽花上飛禪庭清溜滿幽興自忘歸

感春之際以病止酒水丘有簡云時雨乍晴物
景鮮麗疑其未是止酒時因成短章奉答

東風固無迹何處見春歸土逐草心坼雨兼花片飛雖
憐柔甲長只恐艷條稀君但惜晴景休言止酒非

遊園晚歸馬上希深命賦

興盡夕陽天言歸躍杏鞭新陰六街樹遠日萬家煙歌

咽樓千尺吟餘月一弦花間有遊妓醉去墮金鈿

秋陰

已過蕭蕭雨猶成黯黯陰登臨潘岳思慘慄楚臣心遠
吹鳴高樹低雲冒晚岑久為關外客不忍聽疎砧

送歐陽寺丞桐城宰

葉落淮南樹青山徧馬頭人煙將近郭松竹不知秋夜
虎林間嘯溪泉舍下流門前仲卿廟遺跡待君求

朱邑
家祠

在
馬

明州推官鄭先輩

應幕海邊郡秋風千里歸隨潮
吳榜駛轉浦楚山微野
橘霜前熟江螯露下肥
還家候靈鵲人想罷鳴機

張修赴威勝軍判官

青驪渡河水俠氣動刀環
入幕沙塵暗臨風鼓角間
地
形通柏谷秋色滿榆關
誰復輕儒者難淹筆硯間

任適尉烏程

俛作程鄉尉折腰還自甘
下峯晴照黛雲水曉澄藍
葑

上春田闢蘆中走吏參到時蘋葉長柳暉在江南

僧可貞東歸因謁范蘇州

姑蘇臺畔去雲壑付清機野策過寒水山童護衲衣松
門正投宿竹笠帶餘暉誰愛杼山句使君應姓韋

中秋與希深別後月下寄

薄霧生寒水寥寥艤畫船人傷千里別桂吐十分圓把
酒非前夕追歡憶去年南樓足佳興好在謝臨川

早渡長蘆江

帶月出寒浦殘星浸水漬帆開風色正舟急浪花分霧
氣橫江白雞聲隔岸聞天晴建業近鍾岫起孤雲

夏雨

林梅初弄熟密雨閉重關潤袞衣中上涼生竹樹間水
聲通遠澗雲色暝前山野鳥寂無語公庭晝晝閒

寄題石埭權縣樂尉碧澗亭

遙知溪上亭秋水漾泠泠雲影無時翠嵐光到底青危
樓喧晚鼓驚鷺起寒汀聊作淵明飲臨觴酒易醒

送馬廷評之餘姚

越鄉知勝楚君去莫辭遙
曉日魚鰕市新霜橘柚橋
河流通海道山井應江潮
近邑逢鷗鳥先應避畫橈

獵日雪

風毛隨校獵浩浩古原沙
寒入弓聲健陰藏兔徑賒
馬頭迷玉勒鷹背落梅花
少壯心空在悠然感歲華

中秋新霽壕水初滿自城東
偶泛舟迴謝公命

賦

時余將赴襄城

齋舫談經後官池載酒行斜陽鳥外落新月樹端明演
漾思江浦夷猶繞郡城東轅有遺恨日日物華清

夏日陪提刑彭學士登周襄王故城

聊隨漢使者一上周王城片雨北郊晦殘陽西嶺明野
禽呼自別香草問無名誰復黍離詠但興箕潁情

魯山山行

適興野情愜千山高復低好峯隨處改幽徑獨行迷霜
落熊升樹林空鹿飲溪人家在何許雲外一聲雞

登許昌城望西河

試望許西偏湖光侵曉烟岸痕添宿雨草色際平田夏
木陰猶薄朱荷出未圓人間綠波靜幽鷺插頭眠

金山寺

并序

昔嘗聞謝紫微言金山之勝峯壑攢水上秀拔殊
衆山環以臺殿高下隨勢向使善工摹畫不能盡
其美初恨未遊赴官吳興船次瓜洲值海汐冬落
孤港未通獨行江際始見故所聞金山者與謝公

之說無異也因借小舟以往乃陟迴閣上上方歷
絕頂以問山阿危亭曲軒窮極山水之趣一草一
木雖未萼發而或青或凋皆森植可愛東小峰謂
之鷗山有海鷗雄雌棲其上每歲生雛羽翮既成
與之縱飛迷而復返有年矣惡禽猛鷲不敢來茲
以搏魚鳥其亦不取近山之物以為食可義也夫
薄暮返舟寺僧乞詩強為之句以應其請偶然而
來不得髣髴敢與前賢名迹耶

吳客獨來後楚橈歸夕照山形無地接寺界與波分巢
鶻寧窺物馴鷗自作羣老僧忘歲月石上看江雲

送崔主簿赴睦州清溪

舟輕不畏險逆上子陵灘七里峽天翠千重雲木寒古
祠鳴野鳥亂石激春湍正與高懷愜寧歌行路難

擬張九齡詠鷺

眇眇雙來鷺長年與社違任從新歷改只向舊巢歸永
日當人語輕寒逆雨飛自親梁棟慣不識海鷗機

送臨江軍監酒李太博

三江卑濕地北客宦遊稀
霧氣多成雨雲蒸易損衣
白醪燒甕美黃雀下田肥
未辨殊方語山歌半是非

送番禺杜杆主簿

行識枕榔樹初窺翡翠巢
地蒸蠻雨接山潤海雲交
訟少通華語蟲多入膳庖
不須思朔雪梅吐臘前梢

送李閤使知冀州

駸裒黃金絡春風北渡河
將軍守漢法壯士發燕歌
綠

水塘蒲短晴天塞鴈多家聲復年少矍鑠笑廉頗

和張士曹應之晚景

遠空雲解馭南陌雨初收獨鳥去煙外斜陽明樹頭涼
颺虛枕席漲滂起汀洲會有從軍役將離更暮愁

和仲文西湖野步至新堰

泱泱堰根水層層湖上田寒魚猶著底白鷺已飛前履
惜春泥滑衣從澀蔓牽偶來成野望歸興自留連

未晴

未晴初止雨蒸潤尚侵衣
缺月如羞出荒雲不肯歸
杏花朱欲綻梅萼雪將稀
遠鴈來何急衝風濕翅飛

長蘆江口

風駕晚潮急浪頭相趁過
水歸瓜步小船下秣陵多
鷗舞不停翅鷺飛輕帖波
今來學楚客薄暮愛漁歌

渦口

秋水見灘底淺沙交浪痕
白魚跳處急宿鴈下時昏
帶月入渦尾落帆防石根
清淮行未盡明日又前邨

海棠

江燕入朱閣，海棠繁錦條。
醉生燕玉頰，瘦聚楚宮腰。
曾不分香去，尤宜著意描。
誰能共吹笛，樹下想前朝。

嘗於宋宣

獻宅見圖畫明皇於海棠花下
卧吹箏篋寧王吹笛黃幡綽拍

入滿浦

馬頭攬岸斗燕尾，泊船齊風送寒潮。
急雲藏晚日，低逢人多楚語問客煮吳雞。
難覓枚臯宅，蒼葭處處迷。

早發大信口

犬吠知船解，邨墟尚閉門。
霜泥粘纜尾，冰水閣潮痕。
撇礪鶻去，纖纖舴艋昏。
梅湖到不遠，寄信向田園。

野望

新晴宜野望，最愛是山前。
遠近花兼竹，高低水拍田。
呼名鳥無數，問姓客多年。
此地春耕晚，吳牛樹底眠。

泛溪

中流清且平，捨楫任船行。
漸近鷺猶立，已遙邨覺橫。
何妨綠樽滿，不畏晚風生。
屈賈江潭上，愁多未適情。

宣州雜詩

細雨春岡滑無因駐馬蹄
裘單懷後侶風急過前溪
近市聞魚鼓穿林聽竹雞
田家春正急炊飯待鋤犁

北客多懷北魚羊舉玉卮
吾鄉雖處遠佳味頗相宜
沙水馬蹄鼈雪天牛尾
狸寄言京國下能有幾人知

斫漆高崖畔千筒不一盈
野糧收椽子山屋點松明
只見樹堪種曾無田可耕
兒孫何所樂向此是平生

寄題南陵息亭菜閣

竹裏有清館池中多藕花日光穿岸脚水影射簷牙柱
穴蜂歸響爐檀火逼窠已知民訟息漉酒費中紗

依韻和表臣奎野亭

淮光抱城去山翠落樽前魯叟欲浮海楚人休問天野
雲將拂幔水鳥不驚船歷覽誰能賦今聞太守賢

劉元忠遺金橘

南方生美果具體橘包微韓彈有輕薄楚萍知是非甘
香奉華俎咀嚼破明璣欲換齏鹽腹盈匱忽我歸

送閬州駐泊荆供奉

青天不可上蜀道未嘗行每說褒斜險惟聞猿鳥聲去
為千里客自握一方兵所重恩威立無將邊戍輕

葉清臣

送梵才大師歸天台

江水望不極楊花江面飛春風自無定遠客又言歸景
勝詩逾老心冥語亦稀從來林下意為謝北山薇

蔡襄

觀三聖御書應制

聖業存功德宸毫冠藝文勢開千里浪光動九天雲
法駕乘時出仙都與世分皇心欽寶訓求治益精勤

三月詣陳逋民

振衣凌曉色霽野縱遊韁莓潤溪雲重春深山露香林
幽風更細院靜日偏長曾是天星外相從識酒鄉

次韻翠巖寺

攬蔓巖扃峻交繩寶界平斜峯約雲勢乾樹起秋聲泉

檻妨蛩響霜樓助月明
冥筮兼灑落警句一何清

夏晚南墅

夏竹待前楹涼襟析舊醒
疊雲封日茜斜雨著虹明
魚動池開暈蟬移樹減清
葭洲煙向暝鳧鶩自相迎

和丘提刑聞新鴈寄賈度支

翔鴈來江渚秋容在遠空
幾聲遠樹外一字斷雲中
虛館垂簷月平臬敗葉風
裁詩託幽思幽思更無窮

送別陳比部

祖帳西郊道川原畫閣臨燒痕經雨活樹色入溪深斜
日明春態孤雲感客心何人知別意重把酒杯斟

開州園縱民遊樂

風日朝來好園林雨後清遊魚知水樂戲蝶見春晴草
軟迷行迹花深隱笑聲觀民聊自適不用管絃迎

劉敞

聽鐘

陋巷客回轍夕陽鐘送秋寒聲漏空谷暝色下高樓斗逐

悲風起微蕪遠角收旅懷傷急景聽此愧淹留

西戎乞降

南國傳消息西戎送好音懷柔知帝力啓佑亦天心御
酒葡萄遠離宮首管深仍聞編舊禮五嶽望君臨

江行寄隱直

自念復遠適與君仍解攜天文鶉首尾地勢陝東西江
漢饒風雨關山盛鼓鞆離憂各易老秋意欲淒淒

始秋

秋色忽已改旅程殊未央水雲含變態山雨送淒涼
杳青楓暮菲菲白芷香多才悲屈宋搖落近滄浪

山寺

野竹檀欒翠孤峯杳靄青山樓隨詰曲石路上空冥雲
色移時合鐘聲隔岸聽似聞堪避世遊子未嘗經

野望

江水不可越扁舟浮夕陽高秋露寥落遠樹出毫芒澗
水清兼濁山苗綠映黃漁翁豈招隱何待唱滄浪

西域清平

西域諸都護崆峒獻凱歌
兩階增羽籥萬里肅山河
甲第旃裘小春宮首管多
雌雄雙匣劍棄置欲如何

雪後登觀風樓

雪帶郊原闊城橫碧玉齊
夕陽寒似落遠樹望如迷
旅鴈晴更急棲鳥饑亂啼
強歌非郢客竟日戀危梯

梅花

澤國春還早山梅臘競花
繽紛迷雪意浩蕩逼年華
驛

使紅塵遠江風短日斜芳菲恐易失愁思亂悲笳

春陰

江上春雲聚城中暮景兼東風酒味淡小雨客愁添寒
色端侵牖斜陽不滿簾滯留成楚老卑濕意無嫌

七月二日

西風過庭樹天氣颯然秋山雨纔成潤高雲淡不流平
分感一葉遠興憶扁舟蟋蟀何須急羈人始欲留

陰山

陰山天下險，鳥道上稜層。
抱石千年樹，懸崖萬丈冰。
悲歌愁倚劔，側步怯扶繩。
更覺長安遠，朝光午未升。

檀州

窮谷迴看盡，孤城平望遙。

自古北口山至此都盡

市聲衙日集

此州

衙日市集

海蓋午時消

每旦海氣如霧至午消盡土人謂之海蓋

冠帶才通漢山

川更入遼，春風解冰雪。
最覺馬蹄驕。

黃庶

次韻和雪霽遊西湖

雪會遊人意元朝變物華醉鄉銀作界詩客玉為家魚
影紋冰縠禽蹤篆霰沙餘英恐銷盡日臨夕陽霞

李觀

秋熱

江湖限南鄙秋令到還稀節換空看歷人間未趁衣齊
紈方得意厦燕莫言歸祇有松筠徑風高暑氣微

鑑湖夜泛

明月到樽前拏舟古岸邊亂山斜入霧遠水倒垂天酒

氣熏龍戲歌聲弄鶴眠回頭嗔李郭此外更無仙

送張駿嘏

人意皆懷土嗟君無故園欲行須盡室此去又他門靜
裏文章好貧來節行存振淹知有日倚伏豈虛言

遠山

最能牽病眼天際一山橫盡日是秋色無人知地名暗
時雲自合缺處路應平才子霑衣淚千秋共此情

感秋

徙倚重咨嗟非緣惜歲華關山異鄉客砧杵別人家天
冷雲含日溪清水現沙屈魂終不返悲思更無涯

唐詢

崑山

昔有人如玉茲山得美名巖扃鎖積翠谷水斷餘聲喬
木今無在高臺久已傾如何崧嶽什獨詠甫侯生

陶弼

送趙樞寺丞宰虔化縣

路入度雲去如何輕解攜人煙五嶺北星斗大江西
雪梅花樹晴雷顛石溪青山欲無淚不奈鷓鴣啼

題霞溪驛

歌聲野色中人樂歲時豐暑雨陰陽雜秋田早晚同嶺
雲無烈日江樹足涼風自指香山語前邨有路通

秋日登南城臺

江國家書少秋臺寒草生無人來遠渡盡日上高城落
照懸海市孤煙起戍營東籬故園菊又向酒中傾

過思明

幾年來瘴外此夜宿溪中
照枕殘雞月吹燈落葉風
盧循猶偽國楊僕已哀翁
起戴寒星去邨前燒影紅

周惇頤

贈譚虞部致仕

清時郎望貴白首故鄉歸
有子紆藍綬將孫著綵衣
松喬新道院鶴老舊漁磯
知止自高德寧為遜者肥

同宋復古遊大林寺

三月山方煖，林花互照明。
路盤層頂上，人在半空行。
水色雲含白，禽聲谷應清。
天風拂布袂，縹緲覺身輕。

邵雍

春盡後園間步

綠樹成陰日，黃鸝對語時。
小渠初漱灑，新竹正參差。
倚杖閒吟久，攜童引步遲。
好風知我意，故故向人吹。

石揚休

謝吳僧文瑩攜琴過訪

鄭衛湮俗耳正聲追不回誰傳廣陵操老盡嶧陽材古
意為師復清風尋我來幽陰竹軒下重約月明開

司馬光

和宋子才郎中孟秋省直

夜久殘暑盡好風來滿襟牀空唯置枕冠小不施簪竹
影亂涼月林梢轉曉參人心有喧寂何必卧雲岑

館宿遇雨懷諸同舍

佳雨濯煩暑條然生曉涼森沈殿瓦碧幕厯井苔蒼院

靜杉篁秀人間鐘鼓長憑誰同把酒清興宵相望

遊瀍上劉氏園

日暖孤臺迴露濃幽徑微茅齋舉白飲沙渚踏青歸照
水清滿眼穿林香濕衣莫言春尚淺已有杏花飛

漁父

楚岸橘花香扁舟泛渺茫短蓑衝密雨素髮淨秋霜煙
外鳴榔遠波間擲線長無人識名姓擊楫入滄浪

山中早春

山木欣欣春意春光次第催
歌中望歸鴈伏檻聽新雷
巖靜聞冰拆巢空喜燕來
澗花從寂寞亦向草堂開

湖上邨家

萬頃寒煙外茅茨枕碧流
楓林巢乳鶴沙渚亂鳴鷗
漠菰蒲晚蒼蒼蘆荻秋
欲過南浦去籬下出漁舟

南湖

宋都南野水花柳媚名園
鳥起沙留迹魚驚浪結痕
朱橋通別島白路出荒邨
城邑雖云邇常無車馬喧

西谿公讌

五馬非從樂西域念勸功翠帷低映水紅旆不勝風葉
脫青山靜雲歸碧落空淹留盡佳興新月漸朦朧

歸田詩

松菊陶潛宅蓬蒿仲蔚家行遊筇杖瘦嘯傲幅巾斜屋
小疎茅覆門深亂柳遮邨童迎客至竹帚掃桃花

桑柘綠無際田間戴勝飛清醪迎社熟鳴雉向春肥執
耒時將急銜杯日漸稀四隣能共樂招飲莫相違

古松

推頽巖壑間磊落得天頑
香葉低漸水餘根倒挂山
白猿窺子落黃鶴認巢還
不久應為石莓苔舊已斑

和樂道自河外南轅過宜芳雨晴和氣景物可
愛馬上偶成

京洛春應老河邊初解顏
碧浮烟際草翠滴雨餘山
目極塞帷外詩成攬轡間
滿川桃李色共喜傳車還

宜甫東樓晚詩

賓主俱歡醉高樓迴倚空形忘羈檢外酒散笑談中晚
市烟初白秋園葉半紅登臨不厭數朝夕是寒風

玉徽亭

房公昔漂泊置酒此鳴琴人事有憂樂山光無古今風
流俱寂寞結構尚蕭森松竹含虛籟猶疑絃上音

清燕亭

波澄蔭羣木永日湛清華碧篠靜秋色白蘋低晚花松
聲工醒酒泉味最便茶外事付丞掾無妨風景嘉

送峽州陳廉秘丞

地險三巴口江流百折蟠
駟珂通峽響門戟照秋寒
翠壁虎牙口素花狼尾灘
孫劉置柵處細為寫圖看

送趙書記之官華州

車馬西城外遙遙未有塵
辭梁猶帶雪過洛漸生春
幕府斜依嶽關山曲抱秦
曩來謨畫拙不必笑前人

送張寺丞知富順監

漢家五尺道置吏撫南夷
欲使文翁教兼令孟獲知
盤

羞蒟醬實歌雜竹枝詞取酒須勤醉鄉關不可思

閒居呈復古

閒居雖嬾放未得便無營伐木添山色穿渠擘水聲
經霜收芋美帶雨接花成前日鄰翁至柴門掃葉迎

和之美河西列岫亭二首

秋山對疎牖羈客倦登臨雨後嵐光活晴初落照深
素波明別浦赤葉映哀林佇目寂無語何人知此心

亭臯資遠矚秋思浩無涯鴈唳牽菱蔓童歌出荻花壑

荒猶叱犢枝暗稍棲鴉煙靄藏東渚憑軒莫望家

送章伯鎮知湖州

江外饒佳郡吳興天下稀
尊羹紫絲滑鱸膾雪花肥
星斗寒相照煙波碧四圍
柳侯還作牧草樹轉清輝

送王伯初通判婺州

煜爚屏星駕迢迢婺女區
嵐光晴向背溪溜暖縈紆
萬室鳴機杼千艘隘舶艫
若逢耆舊問能說隱侯無

呂公弼

琴臺

煙樹重城側琴臺千古餘
早為梁苑客晚向茂陵居
賦給尚書筆歸乘使者車
清風靚舊隱長自聳鄉閭

范鎮

韓太丞同守成都

近境連桑麥先遊盛竹林

大阮郎中嘗任西蜀

併將懷舊意持作

惠時心藻思春生筆清機
月滿襟成風錦江曲迴上

玉山岑

春色草將深春寒柳未陰青天指行棧淥水蕩離襟後
乘何為託前旌喻此心南枝倦飛翼憑為寄歸音

遊昭覺寺

炎蒸無處避此地忽如寒松砌行無際石房禪自安鴛鴦
秋草漲蝙蝠晚庭寬登眺見田舍衡茅半不完

王珪

梅花

冷香疑到骨瓊艷幾堪餐半醉臨風折清吟拂曉觀贈

春無限意和雪不知寒桃李有慚色枯枝託並欄
依韻恭和聖製龍圖天章閣觀三聖御書

半夜傳君召西清閱帝文筆迴丹穴鳳歌起沛鄉雲御
幄金虬轉仙墀羽仗分為章自天縱况復睿心勤

和王原叔內翰有懷

暮鑰嚴溫省宵鈴靜浴堂銀花無奈萎瑤草又還芳夢
久聞仙笛班清犯曉霜帝閣何所叩一炷祝堯香

王安石

東臯

起伏晴雲逕縱橫
暖水陂草長流翠
碧花遠沒黃鸝楚
製從人笑吳吟得
自怡東臯興不淺
遊走及芳時

歲晚

月映林塘澹風含
笑語涼俯窺憐淨
綠小立佇幽香攜
幼尋新葍扶衰坐
野航延緣久未已
歲晚惜流光

秋夜

慢逗長風細窻留
半月斜浮煙暝綠
草泣露冷黃花獨

曳綠雲策仍尋渡水槎歸時參夜半鄰犬靜中譁

即事

徑煖草如積山晴花更繁縱橫一川水高下數家邨靜
憩雞鳴午荒尋犬吠昏歸來向人說疑是武陵源

鴈

北去還為客南來豈是歸倦投空渚泊饑帖冷雲飛垣
柵雞長煖溝池鷺自肥憐渠不知此更墮野人機

懷吳顯道

南郭紅亭冷西山白道曛江光凌翠氣洲色亂黃雲歲
暮誰邀客情親故憶君天涯獨惆悵歸鳥黑紛紛

題齊安寺山亭

此山無躑躅故國有黃梅悵望心常折慙懃手自栽暮
年逢火改晴日對花開萬里烏塘路春風自往來

旅思

此身南北老愁見問征途地大蟠三楚天低入五湖看
雲心共遠步月影同孤慷慨秋風起悲歌不為鱸

烏塘

地僻居人少山稠伏獸多
怒狸朝搏鴈饒虎夜窺騾
籬落生孫竹門庭上女蘿
未應悲寂寞六載一經過

欲歸

水漾青天暖沙吹白日陰
塞垣春錯莫行路老侵尋
綠稍還幽草紅應動故林
留連一杯酒滿眼欲歸心

發館陶

促轡數殘更時聞雞一鳴
春風馬上夢沙路月中行
笳

鼓遠多思衣裘寒始輕稍知田父穩燈火閉柴荆

壬辰寒食

客思似楊柳春風千萬條更傾寒食淚欲漲冶城潮中
髮雪爭出鏡顏朱早凋未知軒冕樂但欲老漁樵

宿雨

綠攪寒蕪出紅爭煖樹歸魚吹塘水動鴈拂塞垣飛宿
雨驚沙盡晴雲晝漏稀却愁春夢短燈火著征衣

秋露

日月凋何急，荒庭露送秋。
初疑宿雨泣，稍怪曉霜稠。
曠野將馳獵，華堂已御裘。
空令半夜鶴，抱此一端愁。

將次洺州憩漳上

漠漠春風裏，茸茸綠未齊。
平田鴉散啄，深樹馬迎嘶。
地入河流曲，天隨日去低。
高城已在眼，聊復解輕齋。

和仲庶夜過新開湖憶沖之仲涂共泛

水遠浮秋色，河空洗夜氛。
行隨一明月，坐失兩孤雲。
露髮此時濕，風顏何處醺。
淹留各有趣，不比漢三君。

春日

冉冉春行暮，非非物競華。
鶯猶求舊友，燕不背貧家。
室有賢人酒，門無長者車。
醉眠聊自適，歸夢到天涯。

秋興和冲御

雲浮朝慘淡，風起夜颼颼。
欲作冰霜地，先迴草樹秋。
征人倚笛怨，思婦向砧愁。
為問隨陽鴈，哀鳴豈有求。

江亭晚眺

日下崦嵫外，秋生砭碣間。
清江無限好，白鳥不勝閒。
雨

過雲收嶺天空月上灣歸鞍侵調角回首六朝山

金山寺

重經高處寺一與白雲親樹木有春意江山如故人幽
軒含氣象偏影落風塵日暮臨歸去徘徊欲損神

揖仙閣

結閣揖仙子疏塘臨隱扉水花紅四出山竹翠相圍雲
度疑軒下鳧驚恐鳥飛蜀韁寧可恃投釣此志歸

舟夜即事

火炬臨遙岸餘光照客船水明魚中餌沙暖鷺忘眠感
慨無窮事遲回欲曉天山泉如有意枕上送潺湲

寄深州鼉同年

秀色歸荒隴新聲換氍毹毛日催花藥急雲避鴈行高駐
馬旌旗暖傳觴鼓吹豪班春不知負短髮為君搔

自白上邳入北寺二首

木杪田家出城陰野逕分溜渠行碧玉畦稼卧黃雲薄
槿臙脂染深荷水麝焚夕陽人不見雞鶩自成羣

雨過百泉出秋聲連衆山獨尋飛鳥外時渡亂流間坐
石偶成歇看雲相與還會須營一畝長此聽潺湲

次韻景仁雪齋

新聲生屋雷殘點著垣衣委翳無多在飄零不更飛
坳中餘宿潤暖處自朝暉稍見青青色還從柳上歸

次韻范景仁二月五日夜風雪

何知此邂逅談笑接清揚對雪知春淺回燈惜夜長
密雲通炫晃殘月墮冥茫故有臨邛客抽毫興未忘

崑山慧聚寺次張祐韻

峯嶺互出沒江湖相吐吞
園林浮海角臺殿擁山根
百里見漁艇萬家藏水邨
地偏來客少幽興祇桑門

江上二首

潮連風浩蕩沙引客淹留
落日更清坐空江無近舟
共看兼葦宅聊即稻粱謀
未敢嗟艱食凶年半九州

書自江邊使鄉鄰病餓稠
何言萬里客更作百年憂
補敗今誰卹趨生自我羞
西南雙病眼落日倚扁舟

暮春

春期行晚晚春意賸芳菲
曲水應修禊披香未試衣
雨花紅半墮煙樹碧相依
悵望夢中地王孫底不歸

遊北山

攬轡出東城登臨目暫明
煙雲藏古意猿鶴弄秋聲
客坐苔紋滑僧眠樾蔭清
賞心殊未已山日下西榮

韓維

春朝

燕語聞多日蠶眠過幾宵
花深不辨蝶柳暗欲迷橋
便面金環重障泥玉勒驕
黃公酒壚上誰貫阮孚貂

象之以山藥見贈

龍山有遊客贈藥滿筠籠
葉漬沙泉碧苗分石竇紅
斲應侵曉露來喜及春風
却笑丹砂遠辛勤勾漏翁

自靜教院晚步澗上

雪盡岡頭路風和臘後天
人安閒淡內鳥下寂寥前
凍水晴初浪荒城晚自煙
西橋車馬急歸意尚留連

西墅

城居不為愜言適西陂岡雀噪野堂靜雞鳴春日長書
棚落幽蠹佛幔掩餘香釋子廬巖至清談殊未央

范純仁

早行

夙駕冒輕寒身勞意自閒鳴雞起遙墅殘月滿空山水
落灘沙白林稀落葉殷東方上朝旭始免畏途艱

寒食日泛舟

合友逢佳節，攜尊泛碧流。
溪風銷酒力，煙樹入春愁。
羣鴨開波練，疏雲透月鈎。
平生懷古意，最羨五湖游。

和韓侍中上巳日會興慶池

波漲朱闌下，山明綺席前。
畫橈飛彩鷁，紅旆照清漣。
東閣隨開府，嘉賓盡謫仙。
夕陽歸騎外，芳草綠綿綿。

觀終南採冰

凝結自太古，蒼崖潛閔深。
炎蒸當六月，皎潔正千尋。
金盃通珠液，青蠅避玉碁。
焦勞方旰昃，聊可沃君心。

和閻灝中秋賞月

萬里邊城月清輝
徹北庭沙伴霜霰
白圃失蕙蘭青影
亂林篩玉光長隙
透星南飛有歸鴈
羨爾故先聽

子駿君實約遊園遇雨而止

不盡陪從樂端居
若絆羈雨餘添草色
寒更展花期舉
目紅芳阻搔頭素髮垂
清尊難獨酌終夜起相思

祖無擇

齋中即事

軍壘無多事朝晡且放衙吏人如野鹿公署似僧家京
信因求藥賓歡為鬪茶忘懷塵俗外枕籍祇南華

吏隱宜春郡

吏隱宜春郡溪山若畫圖纖鱗時自躍幽鳥靜相呼曉
浪噴寒雨晴嵐鎖綠蕪漁樵本無事搔首重踟蹰

春郊即事

東方驅曉騎南畝勸春耕試與牧童語因知林鳥名雨
前茶正小社後酒猶清可笑豚蹄祝篝車望豈輕

鄭俠

和孟堅二月晦同出城

花柳接重闌三分破二春江雲初弄雪壟麥旋收新纓
紱嗟塵事農桑羨野民暫陪遊樂乘此日是何辰

吳中復

西園十詠

錄六首

西樓

信美他鄉地登臨有故樓清風破大暑明月轉高秋朝

暮岷山秀東西錦水流賓朋逢好景把酒為遲留

衆熙堂

亭枕方塘上軒開四照新花涵清露曉風卷綠波春日
暖眠汀鷺荷翻躍錦鱗熙熙遊宴地行樂慰西人

竹洞

陰森過百步屈曲鎖莓苔翠色寒無改清風時自來葉
籠蒼玉幹路入碧雲堆吏散無公事支筇到幾回

方物亭

草木蟲魚部披尋自古無飛沈天產異生植土風殊物
色隨心匠形容記續圖虛亭玩真意浩思滿江湖

翠柏亭

衆木墜黃葉皴皮抱翠枝自然根性異不為雪霜移靈
潤承多露清陰貫四時婆娑歲寒意每到坐遲遲

流杯亭

結客乘公暇流觴逐浩歌亂峯晴倒影曲水宛迴波小
海逢元巳蘭亭記永和西州行樂事應比晉賢多

馮山

題靈溪寺

野寺無俗氣勝遊方此迴水清巴字近僧慧錦屏來秋
閣山要起溪門竹引開塵蹤不須掃留恨寄蒼苔

寄高梁守勾輔元

北按經時出南歸計日趨幽花明澗水細雨潤春途就
歇開新醞催行趁早舖故人休問吏相見且歡娛

施州道上遇雪

易下山中雪初寒塞上途郵燈催客起澗水雜猿呼密
綴林驚秀輕蒙石變枯無人來寫取十幅李成圖

沈邁

次韻和景彝秋興

蘭蕙含清露芙蓉墮綠波暑隨朝雨盡涼入暮天多已
覺金行早誰調玉燭和西風但高詠將奈綠醅何

次韻和君實苦雨三首

浩浩雨不止寥寥風且寒敢言裘褐具尚幸室廬完彌

月天形晦無時轍跡乾田皋何處在誰復顧蕭蘭

不見清秋月悠悠已過茲重陽初未解委照固無偏安
得長風御都驅宿靄旋還當三五夕圓魄獨當天

積潦高秋後幽居病客心每憐荷折蓋猶愛菊包金獨
坐有餘恨臨觴莫厭深多情省郎直永夜祇清吟

許當郎中自溫陵寄詩叙舊遊之感奉酬

少小溫陵客于今記昔遊故人情最厚嘉句遠相求勝
事成陳迹流年換白頭僧房屢題壁知有舊痕不

沈遼

出瀟湘泊蒲州

汎汎瀟江水天生西北流
蒼煙開蚤市曉日下蒲洲
清曠適幽步方羊如昔遊
何為沙上鳥相避小山頭

贈廣祐上人

不入四明路侵尋已十年
葛藤論往事蟬蛻想蒼煙
松下數株石巖前千丈泉
何為不肯住芒屨更參禪

王令

庭草

庭草綠毳毳庭花間自開長鴻抱寒去輕燕逐春來時
節看風柳生涯寄酒杯傷春欲誰語游子正徘徊

暮歸馬上口占

林密邛邛暗寒鴉處處啼水光連野白雪意逐雲低風
勁童呵指泥深馬失蹄客心兼暮色歸去兩悽悽

程顥

遊紫閣山

仙掌遠相招縈紆渡石橋
暝雲生澗底寒雨下山腰
樹色千層亂天形一罅遙
吏紛難久駐回首羨漁樵

陳公廡園修禊事席上賦

盛集蘭亭舊風流洛社今
坐中無俗客水曲有清音
香篆來還去花枝泛復沈
未須愁日暮天際是輕陰

文同

東谷茅齋

野徑轉深密靜無車馬痕
松花金粉墮苔葉翠茸翻
蟲

鳥春音雜煙雲晚色昏俗塵何處入長是掩谿門

田舍

園林曉氣清籬巷夕陽明石竇聞寒碓煙坡見晚耕豚
蹄共禱賽龜殼問陰晴欲識豐年樂一邨雞犬聲

春閨

枕帶縈春思窻紗漏曉光蠅蛸傷遠別鶉鳩感流芳妝
匣蒸殘粉薰爐試舊香洞房燈燭外只有夢悠揚

永泰劉令清曦亭

木杪照初日捲簾知曉晴軒窻無限思圖史有餘清露
下濛花重風來泛竹輕何須嫌五斗持此謝淵明

前溪獨遊

溪水碧溶溶紆餘短約通小灘晴靄外獨鶴夕陽中倚
杖對清籟披襟當好風幾時歸住此長下釣魚筒

重過舊學山寺

當年讀書處古寺擁羣峯不改歲寒色可憐門外松有
僧皆老大待客轉從容又下白雲去樓頭敲暮鐘

過友人溪居

籬巷接菰蒲，閒扉掩自娛。
水蟲行插岸，林鳥過提壺。
白浪搖秋艇，青煙蓋晚厨。
主人誇野飯，為我煮新蘆。

和梨花

素質靜相依，清香暖更飛。
笑從風外歇，啼向雨中歸。
江令歌瓊樹，甄妃夢玉衣。
畫堂明月地，常此惜芳菲。

夏日翠漪堂

湖水碧溶溶，寒漪四望通。
龜魚遊浩渺，鳧鷖下虛空。
爽

氣吟窻外清光釣艇中一襟時自快多謝北軒風

面川亭

幽亭最孤絕直入亂叢間近晚獨來此有誰相與間
卷簾通大野臨檻數前山便欲教攜酒陶然踏月還

什邡道中

驅馬下遙川殘陽促晚鞭高林夾廣道亂水入平田
邨落晴如畫桑林晝起煙飛鴻正南下歸意滿雲邊

野逕

山園饒秋色林亭近晚晴禽蟲依月令藥草帶人名排
石鋪衣坐看雲緩帶行官間惟此樂與世欲無營

弄珠亭下柳

江柳早春前濛濛弄紫煙未容長作帶已見亂飛綿遠
外分晴島深中泊暮船惟應漢水色奈爾一年年

寄子駿運使

時按西鄉

西鄉巴嶺下嶮道入孱顏使騎到荒驛野禽啼亂山問
民青靄裏訪古白雲間幾日南城路新詩滿軸還

俞汝尚

夏日間居

無人到窮巷長日守間居
宿火惟烘藥喜晴還曬書
鄰翁伴邛酒穉子課園蔬
門外蒿萊地泥深不用鋤

徐積

秋雲

淡似秋河水濃於春塢
煙隴頭寒塞鴈峽外晚
江天忽斷月華墜乍明
虹影連西風休強管飛
勢自翩翩

蘇軾

太白山下早行至橫渠鎮書崇壽院壁

馬上續殘夢不知朝日升
亂山橫翠幃落月澹孤燈
奔走煩郵吏安閒愧老僧
再遊應眷眷聊亦記吾曾

仙遊潭五首

錄四首

潭

翠壁下無路何年雷雨穿
光搖巖上寺深入影中天
我欲然犀看龍應抱寶
眠誰能孤石上危坐試僧禪

南寺

東去愁攀石西來怯渡橋
碧潭如見試白塔苦相招
野饋慚微薄邨沽慰寂寥
路窮斤斧絕松桂得干霄

北寺

唐初傳有此亂後不留碑
畏虎關門早無邨得米遲
山泉自入甕野桂不勝炊
信美那能久應先學忍饑

玉女洞

洞裏吹簫子終年守獨幽
石泉為曉鏡山月當簾鉤
歲

晚松楓盡人歸霧雨愁送迎應鄙陋誰繼楚臣謳

次韻子由綠筠堂

愛竹能延客求詩剗挂牆風梢干燾亂月影萬夫長谷
鳥驚碁響山蜂識酒香只應陶靖節會聽北窻涼

獨遊富陽普照寺

富春真古色此寺亦唐餘鶴老依喬木龍歸護賜書連
筒春水遠出谷曉鐘疎欲繼江湖韻何人為起予

遊鶴林招隱

郊原雨初霽春物有餘妍古寺滿修竹深林聞杜鵑睡
餘柳花墮目炫山櫻然西窻有病客危坐看香煙

訪張山人得山中字二首

魚龍隨水落猿鶴喜君還舊德丘墟外新堂紫翠間野
麋馴杖履幽桂出榛菅灑掃門前路山公亦愛山

萬木鎮雲龍天留與戴公路迷山背向人在灑西東薺
麥餘春雪櫻桃落晚風入城都不記歸路醉眠中

過淮贈景山兼寄子由

過淮山漸好松檜亦蒼然
靄靄藏孤寺泠泠出細泉
故人真吏隱小檻帶巖偏
却望臨淮市東風笑語傳

乘舟過賈收水閣收不在見其子三首

愛酒陶元亮能詩張志和
青山來水檻白雨滿魚蓑
淚垢添丁白貧低舉案蛾
不知何所樂竟夕獨酣歌

嫋嫋風蒲亂猗猗水荇長
小舟浮鴨綠大杓瀉鶩黃
得意詩酒社終身魚稻鄉
樂哉無一事何處不清涼

曳杖青苔岸繫船枯柳根
德公方上冢季路獨留言
已

占蒲魚港更開松菊園從茲來往數兒女自磨門

覺真院有洛花花時不暇往四月十八日與劉

景文同往賞枇杷

綠暗初迎夏紅殘不及春魏花非老伴盧橘是鄉人井
落依山盡巖崖發興新歲寒君記取松雪看蒼鱗

發廣州

朝市日已遠此身良自如三杯軟飽後一枕黑甜餘蒲
澗疎鐘外黃灣落木初天涯未覺遠處處各樵漁

新年五首

曉雨暗人日春愁連上元水生挑菜渚煙濕落梅邨小
市人歸盡孤舟鶴踏翻猶堪慰寂寞漁火亂黃昏

北渚集羣鷺新年何所之盡歸喬木寺分占結巢枝生
物會有役謀身各及時何當禁畢弋看引雪衣兒

海國空自煖春山無限清冰谿分瘴雨雪菌到江城更
待輕雷發先催凍筍生豐湖有藤菜似可敵尊羹

小邑浮橋外青山石岸東茶槍燒後有麥浪水前空萬

戶不禁酒三年真識翁結茅來此住歲晚有無同
荔子幾時熟花頭今已繁探春先揀樹買夏欲論園居
士常攜客參軍許叩門明年更有味懷抱帶諸孫

食荔枝

并引

惠州太守東堂祠故相陳文惠公堂下有公手植
荔枝一株郡人謂之將軍樹今歲大熟賞啖之餘
下逮吏卒其高不可致者縱猿取之

丞相祠堂下將軍大樹旁炎雲駢火寶瑞露酌天漿爛

紫垂先熟高紅挂遠揚分甘徧鈴下也到黑衣郎

倦夜

倦枕厭長夜小窻終未明孤邨一犬吠殘月幾人行哀
鬢久已白旅懷空自清荒園有絡緯虛織竟何成

次韻江晦叔二首

人老家何在龍眠雨未驚酒船回太白稚子候淵明幸
與登仙郭同依坐嘯成小樓看月上劇飲到參橫

鐘鼓江南岸歸來夢自驚浮雲世事改孤月此心明雨

已傾盆落詩仍翻水成二江爭送客木杪看橋橫

荊州十首 錄四首

遊人出三峽楚地盡平川北客隨南賈吳檣問蜀船江
侵平野斷風捲白沙旋欲問興亡意重城自古堅

南方舊戰國慘淡意猶存慷慨因劉表淒涼為屈原廢
城猶帶井古姓聚成邨亦解觀形勢昇平不敢論

朱檻城東角高王此望沙江山非一國烽火畏三巴戰
骨淪秋草危樓倚斷霞百年豪傑盡擾擾見魚鰕

沙頭煙漠漠來往厭喧卑野市分麈鬧官帆過渡遲遊
人多問卜僮叟更攜龜日暮江天靜無人唱楚辭

出城送客不及步至溪上

春來六十日笑口幾時開會作堂堂去何妨得得來倦
遊行老矣舊隱賦歸哉東望峨眉小廬山翠作堆

宋復古畫瀟湘晚景圖三首

西征憶南國堂上畫瀟湘照眼雲山出浮空野水長舊
遊心自省信手筆都忘會有衡陽客來看意渺茫

落落君懷抱山川自屈蟠經營初有適揮灑不應難江
市人家少煙邨古木攢知君有幽意細細為尋看

咫尺殊非少陰晴自不齊徑蟠趨後崦水會赴前溪自
說非人意曾經入馬蹄他年官遊處應話劍山西

去歲與子野遊逍遙堂日欲沒因並西山叩羅
浮道院至巳二鼓矣遂宿於西堂今歲索居僑
耳子野復來相見作詩贈之

往歲追歡地寒窻夢不成笑談驚半夜風雨暗長檠雞

唱山椒曉鐘鳴霜外聲只今那復見髣髴似三生


次韻定慧欽長老見寄


左角看破楚南柯聞長滕鈎簾歸乳燕穴紙出癡蠅為
鼠常留飯憐蛾不點燈崎嶇真可笑我是小乘僧

御選宋詩卷三十六

謹案第二十八頁後三行地偏來客少刊本來訛
乘據臨川集改

第四十一頁後五行貧低舉案蛾刊本貧訛賈據
東坡集改





總校官庶吉士臣侍朝

校對官檢討臣蕭九成

騰錄舉人臣李駟

欽定四庫全書薈要

集部

御選宋詩卷三十七

詳校官原任主事臣李斯咏



欽定四庫全書薈要卷一萬八千三百四十四

集部

御選宋詩卷三十七

五言律詩三

蘇轍

寒食遊南湖

遶郭春水滿，被堤新柳黃。
官池無禁約，野艇得飛揚。
浪泛歌聲遠，花浮酒氣香。
晚風歸棹急，細雨濕紅妝。

次韻子瞻飲道者院池上

雨氣涼侵殿河流滲入池黃梁淪魚子白酒瀉鶯兒風
細初生袖塵清免汙眉郊行不易得拂壁看題詩

雪後小酌贈內

乙酉正月九日

薄雪為燈止和風應節來出遊吾已懶小酌意難裁竹
徑泥方滑菁畦凍欲開細君憐老病加料作新醅

次韻李簡夫秋園

秋色豈相負小園仍有花繞欄吟落日拾徑得殘葩菊
細初藏蝶桐疎不庇鴉遊觀須作意霜雪僅留槎

題李簡夫葆光亭

遙草侵芒屨庭花墮石臺
小亭幽事足野色向人來
坐
上烏皮几牆間大瓠壘
老成無不可談笑得徘徊

九日三首

錄一首

昔忝衣冠舊今從野老遊
籬根菊初綻甕面酒新
菊不
負重陽節都無舉世憂
人生定誰是萬事本悠悠

南堂新甃花壇二首

亂竹侵紅藥病花羞晚春
移根近談笑得土長精神
榮

悴非由爾芬芳止為人庭西井泉好汲灌每躬親
老木不忍伐橫枝宜少除根基漸有託雨露稍分餘生
意初無損開花終自如他年諸草木成就此幽居

移竹

牆陰竹蒙密板築念相妨欲補園東缺欣乘雨後涼三
年生筍遍一徑引風長但恐翁彌老筇枝懶復將

將出洛城過廣愛寺

寺古依喬木僧閒正暮年為生何寂寞愛客尚流連虛

牖羅修竹空厨響細泉坐聽談往事遍識洛中賢

覽輝亭

城裏最高處坡陀見一城山多來有緒江遠靜無聲歌
吹風前度樓臺雨後明風光同楚蜀聊此慰平生

題方子明道人東窻

閉門何所事毛髮日青青齒折登山屐塵生貫酒瓶調
心開貝葉救病讀仙經定起無人見寒燈一點星

蔣之奇

和祕閣曝書會詩

宴豆追儒雅簪纓盛禮容中天開壁府左海見鼇峯汗
簡陳三館緗圖煥九重紫微才思敏十吏筆能供

錢總

和閣老舍人曝書會詩

天祿圖書府芝莛歲曝頻播經窮藏室賜會集儒紳顧
陸高標好鍾王妙入神可無慙俗吏來預石渠賓

孔武仲

旅枕

旅枕春風底，脩然一夢驚。
漏移清禁遠，天入小窻明。
桂玉梁園費，山椒楚客情。
蕭條過百五，猶有賣花聲。

夏晝

落花寧是穢，啼鳥不為喧。
野水從侵道，青山任塞門。
吏身閒似隱，官舍靜于邨。
開卷何嘗讀，風來只自翻。

孔平仲

寄題蕭文照閣

虛明敞高閣清淺對方塘軒冕忘懷久江湖寓興長紅
葉開細雨白鳥下殘陽不挂人間事逍遙自一鄉

至城東作

出郭二十里依山八九家茅岡風卷燒土井雨推沙凍
蝶依殘菊幽禽立卧槎路邊桃李木猶發小春花

馬上口占

澗底泉初動山頭雪尚深凍條桑破眼燒地草抽心搖
落殊非昔芳菲想自今浮雲多意思已解作春陰

折柳亭

楊柳已藏鴉高亭望物華
平時常送客此日自離家
別酒杯何滿征途日欲斜
醉行三十里春思滿鶯花

冬夕即席作

燭滴緋桃淚香蟠春蚓灰
酒花隨煖聚酥藥帶寒開
自有清歌送惟愁畫角催
隔簾凝曉色雪壓數枝梅

米芾

揚州

東風何索寞帶雪入揚州尚想遺釵雀重觀上玉鈎真
同一夢覺空憶十年遊邂逅逢孫楚酣歌慰滯留

江臯晚泊

柳色倚舟晚醉餘雙眼醒水光涵一氣星彩動圓靈炯
炯月初下條條風更冷遠山橫秀碧淡墨說吾經

將之苕溪戲作呈諸友

松竹留因夏溪山去為秋久廣白雪詠更度采菱謳縷
玉鱸堆案團金橘滿洲水宮無限景載與謝公游

賀鑄

雨餘晚望

相應乳鳩鳴桑間返照明平津小舫度高隴一牛耕林
藪歸心健塵埃病骨輕屈騷魂爽在未許獨君清

賦得枕上聞鴈

朔吹飄征鴈寒聲徹枕前遠違沙漠雪不下汶陽田客
夢悲中夜歸期隔故年莓苔與菰米何處是湘天

送陳傳道攝官雙溝

弭檝想登臨
閒雲護日陰
青蒲泗水闊
古木漢祠深
應醉杯中物
誰聞澤畔吟
禪房養疴客
輕別若為心

遊滕縣時氏園池

珍重西園主
開門待子猷
城隅樹交蔭
樓下水通流
鸛鶴鳴深竹
蜻蜓駐小舟
可能忘夢想
塵土滿徐州

自鄆還徐道中

八月過新雨
行雲弄晚涼
山川乍明晦
禾黍半青黃
西去真何事
東還非故鄉
悠悠塵土裏
無路不亡羊

京居感興

為問長安客何人
識要津長持一馬
簞浪走六街塵城
闕煙中曉關河雪
後春故園桃李在
樽酒願相親

苦竹邨南馬上

楚澤薰風後林臯
夕照間漁船沿綠
岸鳥道轉荒山久
負杯中樂長偷馬
上閒悠悠白門路
何日杖藜還

題諸葛洪田家壁

地名諸葛亮洪在烏洪北八
十里與江南石頭城相望

晚度孔明洪林間
訪老農行衝落葉
逕坐聽隔江鐘後

舍燈猶織前溪水自春無多遊宦興卜築肯相容

題烏江東隆山鄧氏亭

逋客今何許空餘接隱亭舟隨潮水上門背夕陽扁兔
策塵生蠹漁蓑雨化螢題詩巖下石聊代草堂靈

湯泉道中

青石岡西下靈泉產藥苗山英如有待木客可相招蟬
帶風移樹塵隨馬度橋颺鞭吟舊句歸路不知遙

艤舟當利口待風累日愒寄城中朋遊

一葉寄津口怒濤安可乘朝風颭酒旆寒爨乞漁燈牛
渚逢新月秦淮想結冰故人他夕夢歌吹滿金陵

秦淮夜泊

官柳動春條秦淮生暮潮樓臺見新月燈火上雙橋隔
岸開朱箔臨風弄紫簫誰憐遠遊子心旆正搖搖

秋夜聞雨晨興偶書

故國心馳北扁舟計漫東寒生一夜雨病涉兩秋風落
泊籬根葉幽憂屋角蟲何情悲節物聊自况哀翁

留別米雍丘

明釭通夜語墨塊寫胸中水癖推劉令書名浼魯公忘
猜悲廩鼠逐熱濺雲鴻不乏佳山水東南著兩翁

訓桂林從叔

江到三湘盡山圍八桂深龍蛇寒不蟄霧露晝多陰迢
遞馳梅信殷勤訪竹林淮南風土美留滯亦何心

寄懷潘孝本兼簡其子言

春色先梅嶺秋聲後桂林溪通五羊險雲近九疑陰無

鴈難逢信有猿能伴吟燒春酒自美應對阿戎斟

宿黃葉嶺田家

聚落荒山裏畝田歲不登牛衣障隙雪鼠穴見鄰燈愁
入魚難暝寒凝酒亦冰悵然歌白石推枕待晨興

龜山晚泊

春候半寒溫維舟淮上邨長林補山罅青草際潮痕久
厭浮家役重招去國魂禪房欲舒寫煙雨促黃昏

江夏寓興

風與檣鳥便儂先塞鴈來山經七澤斷潮自九江回漁
父猶知隱騷人枉街才朋遊正相遠梅信為誰開

張舜民

聞赦有作

擊鼓填街道傳聲過水濱國嚴三歲禮恩洗萬家春舟
楫親南斗衣冠拱北辰嶺南並嶺北多少望歸人

漁父

家住來江邊門前碧水連小舟勝養馬大罟當耕田保

甲元無籍青苗不著錢桃源在何處此地有神仙

陳襄

觀海

天柱支南極蓬山壓巨鼇雲崩石道險潮落海門高
客館聞鼉鼓秋風憶蟹螯倚闌望鄉墅千里楚江皋

郭祥正

望牛渚

江迴偏留月山空不住雲遙憐李太白曾憶謝將軍帆

影隨潮上樵聲隔岸聞
柳花迷客眼三月正紛紛

溪岸

溪岸逢春暮柔條儘意攀
輕鷗翔近渚好鳥響空山
小艇常欹側孤雲自往還
遠游成底事白首憶鄉關

野寺

野寺盤山腹高秋雨霽天
拂簷雲漫漫穿竹水涓涓
接食憐馴鳥措筇暮老禪
經年無客到門巷疊青錢

和石聲叔留題君儀碁石亭

高才攄遠趣鑿石架危亭宿鳥依林白春苗接海青雲
光隨帚亂泉響入琴聽况得少陵句宜鑄座右屏

因山基大石華榜揭高亭畦稻翻新綠山嵐浮遠青鳥
行雲際度松籟雨餘聽安得吳生畫為予傳小屏

雨懷安止

春雨靈難霽青山阻後遊綠迷芳草恨紅濕落花愁古
劍空彈缺踈簾懶上鈎何當生羽翼一日似三秋

立夏日示陳安國宣義

昨日春歸盡輕衣畏暑侵落花空眷影新葉自成陰晝
永惟便睡蟬清稍伴吟小團宮樣茗分酌莫辭深

和劉漢陽浩然亭

磴道通絕頂登臨懷敞廬山雲數峯斷江樹一行疎舊
史名空在新亭畫不如自迷姑熟釣深愧漢陽書

和朱行中龍圖遊登惠寺

一水碧漪漪更逢煙雨微草昏千步障松挂六銖衣冷
翠光爭滴殘紅濕不飛自憐詩句拙空伴使君歸

楊傑

和程大卿雨中登物華樓

澤國連朝雨春山半夜雷登樓寒食近隔岸畫屏開沙
鳥飛還止漁舟去復來年年南浦草相伴綠波迴

楊蟠

寄東山禪師

高卧西林月孤間獨見君杖藜探澗水歌枕看山雲鹿
過何人見猿啼只自聞篇章知幾首寄我莫辭勤

春日獨遊南園

天淨鳥飛遠路幽花自香春風吹草木野水滿池塘事
去青山在人間白日長興來搔短髮微意久難忘

郡中書事

把麾何所在海上有名山潮落魚爭拾雲低鴈可攀一
城仙島上雙塔畫圖間當路誰知已天應賜老閒

林希

修仁英兩朝實錄開局日賜史院筵就席成詩

調元台極貴，頒宴帝恩餘。昔副名山錄，今裁史觀書。天
心憂作者，國論屬誰歟。寂寞懷鉛客，容容瞻相府車。

晁端友

甘露寺

北固山頭寺，風煙昔縱觀。卧亭秋石狠，環舍海濤寒。越
舶樓前聚，江楓戶外丹。最宜清夜月，虛閣憶盤桓。

早行

馬上雞初唱，天涯星未稀。驚風時墜笠，零露暗沾衣。山

下疎鐘發林梢獨鳥飛遠峯烟靄淡迤邐見朝暉

馬處厚席上探得早梅

嶺梅何處早雪裏看芳菲北陸寒猶在南枝春已歸
曉妝初見妬殘角未成飛引我江頭夢清香憶滿衣

劉中叟

王昭君

斂袂出明光琵琶道路長初聞絕塞語未解漢宮妝
薄命隨塵土元功屬廟堂蛾眉如有用慚愧羽林郎

楊甲

靈泉山中

小縣相籠合濛濛數百家果蔬爭晚市樵牧亂晴沙落
日平江迴青山細路賒偶居無事在隨意問桑麻
勝地山靈宅微官也謫居焚香他日夢隱几向來書小
睡便山雨長齋稱野蔬逢人問無恙滿意說樵漁
何處長松寺雨花雲外臺山從百曲轉路入九關回老
檜成龍盡殘柯借鶴來人間斤斧亂風壑夜聲哀

野色山圍盡風烟更可憐客情牛鐸外農事野花前聚
汲松根井寬愁石底泉雲安須斗水詩興亦超然

何耕

自合江亭過渡觀趙氏園亭

喚舟芳草渡繫馬綠楊陰步入莓苔徑門開花竹林王
孫隨蝶遠婺女隱雲深想見西南望悠悠空賞心

春日

寂寞城南寺三年寄索居折花修佛供持鉢乞僧餘竟

日無車騎依時認鼓魚九衢塵一尺吾自有華胥
門前無俗物城上亦竒觀花浪東流穩雲山西望寒身
凌城外遠目極境中寬最愛風標客晴沙理素翰

朱行中

元豐感事

冠帶橋門路雍容俊士關微言尊靈靈小道屏間禮
樂高千古詩書到百蠻斯文知未泯壁水尚如環

郊亶

失鶴

久鎖沖天鶴，金籠忽自開。
無心戀池沼，有意出塵埃。
鼓翼離幽砌，凌雲上紫臺。
應陪鸞鳳侶，仙島任徘徊。

郊僑

翠微

行客倦奔馳，尋師到翠微。
相看無俗語，一笑任天機。
曲沼淡寒玉，橫山鎖落暉。
情根枯未得，愛此幾忘歸。

黃庭堅

呻吟齋睡起五首呈世弼

錄二首

棊几坐清晝博山凝妙香
蘭芽依客土柳色過鄰牆
巷僻過從少官閒氣味長
江南一枕夢高卧聽鳴榔

牆下蓬蒿地兒童課剪除
蔓蒿隨分種杞菊未須鉏
河水傳烽火交州報捷書
無能落閒處慙愧飽春蔬

次韻劉景文登鄴王臺見思

舊時劉子政憔悴鄴王城
把筆已頭白見書猶眼明
平原秋樹色沙麓暮鐘聲
歸鴈南飛盡無因寄此情

試說宣城郡停杯且細聽晚樓明宛水春騎簇昭亭擺
稷豐圩戶桁楊卧訟庭謝公歌舞處時對換鶯經

秦觀

次韻答米元章

嗜好清無滓周旋粲有文揮毫春在手岸幘海生雲花
鳥空撩我尊鱸正屬君惟應讀雌霓差不愧王筠

次韻子由題斗野亭

滿市花風起平堤漕水流不堪春解手更為晚停舟古

埭天連鴈荒祠木蔽牛杖藜聊復爾轉盼夕煙浮

晁補之

吳松道中二首

錄一首

曉路雨蕭蕭江鄉葉正飄天寒鴈聲急歲晚客程遙
鳥避征帆却魚驚盪槳跳孤舟宿何許霜月繫楓橋

同魯直和普安院壁上蘇公詩

畏暑聊尋寺追涼故遶池雨園鳩喚婦風徑燕將兒散
篆縈簾額留雲暗井眉龍蛇動屋壁知有長公詩

次韻鄧正字慎思秋日同文館九首 錄二首

憶卧蓬萊閣同聽午唱雞
星辰望天北簪組隔城西
幾日宣魚鑰長驅響月題
更憑催鄧子要剗玉如泥

風雲日夕改秋氣襲堂闈
映葉無蜩響依叢有蝶歸
官壺催賜酌鄰杵急成衣
留滯真何補蓴鱸興又違

千秋嶺上

永日倦高躋盤回四望迷
松根危抱石嶺路曲隨溪
馬腹飛雲薄山腰過雨低
陰崖不可度誰此構長梯

晁說之

清明

便覺近長夏
溫風蠢欲成
冠歌知髮少
衣薄喜身輕
初菽青穿水
繁陰綠滿城
朝來試新火
茶鼎聽松聲

春日

花發春連屋
山晴晝滿樓
所過皆異縣
何處是皇州
頽鶯銜逐呢
喃燕聚謀物
生各有累於
世孰無求

挈榼

挈榼吾何往，閒臨積水邊。
晚紅看落日，春碧愛晴川。
蜂蝶低窺酒，鳧鷖狎近船。
平生五湖興，見此一欣然。

合江舟中作

雲氣昏江樹，春流沒釣磯。
如何連夜漲，似欲送人歸。
亂石水聲急，片帆風力微。
舟師且停櫓，鷗鷺畏人飛。

春畦

水滿春畦白，雲連晚照黃。
野花時結子，溪柳不成行。
客禮容吾懶，酣歌與世忘。
晚來得新句，吟罷立蒼茫。

漢川

道路通襄野風煙近楚天地卑荒巨澤山斷見平川舟
楫自此去音書誰與傳西南是巴峽應盡落霞邊

修覺寺

山繞象耳北堰橫龍爪西遙瞻蜀玉壘不減漢金堤未
合三江水仍通百社溪春流已可愛散亂浴鳧鷺

池上與師伯渾飲酒

冉冉煙生樹溶溶水滿池藻寒魚不食花暖蝶先知相

對飲鑿落不妨敲接羅還山何用遽同過艷陽時

樊口

林鳥晴自語水鶴暮知還故國浮雲外寒溪積雪間東
行臨赤岸北望阻青關石上窪尊在吾將酌次山

春晚

野樹交新葉春江上晚潮花泥粘落蕊麥隴散疎苗輕
籟因風發浮塵著雨消遙憐小山桂久負楚辭招

晁沖之

寄王立之

臘雨城南宅衝寒憶屢陪拊憐庭下石問訊竹間梅諸
子磨門立羣公跋馬回不知多病後誰與倒樽罍

僧舍小山

爛石有佳色禪房疊更幽九疑峯不斷十字水長流枕
簟日逃暑軒窻時卧遊吾哀更何往只此對湯休

寄江子之

平生江季子疎懶近忘吾不啻三年別如何一字無燒

丹勺漏令釀酒步兵厨二者將安擇功名莫浪圖

初來東里

乘流從此去河漢失清都送騎沙邊散征帆雨外孤挾
雌棲隴雉生子哺巢烏宇宙將焉往飄飄盡畏途

再至都城

崢嶸花萼西清曉望猶迷御路紅塵合宮槐碧瓦齊夾
城知輦過複道覺香低中使傳宣入千門避馬蹄

送僧

無端伏枕日不見放舟時晚得平安報初成送別詩山
深歸履急江闊渡杯遲定許同香火終參惠遠師

夏室

夏室不禦暑竹陰新未交幽花時結子晚燕續開巢午
夢還高枕晨炊出近庖此生吾自了客至莫相嘲

重過鴻儀寺

秋色遽如許寒花奈若何客行傷老大野次記經過廢
圃猶殘菊枯池但折荷吾生與物態天意豈蹉跎

梅

素月清溪上臨風不自勝
影寒垂積雪枝薄帶春冰
香近行猶遠人來折未曾
江山正蕭瑟玉色照松藤

張耒

秋日

隕葉鳥不顧枯莖蟲莫吟
野荒田已獲江暗夕多陰
夜語聞山雨無眠聽楚砧
敝裘還補綻披拂動歸心

落日

落日西風急空山客獨驚夕雲寒不動秋木暮多聲粟
厭周人飯尊思故國羹南飛有征鴈羨爾羽毛輕

舟中晚思

樹色未啼鳥槳聲初渡航客燈青映壁城角冷吹霜飄
泊年來甚羈游情易傷年豐清潁尾吾計亦差良

將至漢川夜泊

水翼飛棲定連檣宿暝煙葦風驚客夢江月伴人眠多
病閒偏樂苦吟愁易牽漁郎爾何恨終夕獨鳴舷

何處春深好

何處春深好春深居士家
荒園幾畦菜環堵數枝花
自蠟登山屐好驅下澤車
時時客問字醉帽任傾斜

歲暮書事五首

錄二首

風捲塵沙白雲垂雪意凝
夜山時叫虎晚市早收燈
園栗炮還美村醪醉不能
三年官況味真是冷于冰
牛羊已歸去殘照滿山陂
霜鴈田中靜風鳶木杪悲
川原今自若龍虎昔交馳
丘隴耕桑盡千年不復知

晚卧

日落煩暑退秋晴河漢明微雲映天白纖月過林清獨
卧誰晤語幽懷殊未平蕭蕭夜深冷皓露滿前楹

冬夜

山靜寒雲薄天空孤月明霜桐占階影風葉繞廊聲經
濟心難就蹉跎歲屢更冥鴻本清遠何事亦宵征

和西齋

山色供開鏡溪光照掩扉暗蟲先夜響萎葉近秋飛灌

壠晴疏出窺籠暮鶴歸鳴琴坐朗月輕露點秋衣

食薇

歲窮陰不解短日過牆微幽鳥穿林小寒鳥啄樹饑冰
霜崖嶺壯煙火井閭稀老拙安閒僻無心厭食薇

寺西間步

閭里靜無事野塘春水生好風時獨立芳草共閒行閨
月遲春候輕陰弄晚晴鄰炊烟火動下舍晚雞鳴

暮春

應接非吾事探幽興有餘筍深鳴鳥下花薄午風疎草
淺見飛雉溪清生細魚端居亦多趣不用席門車
紅點薔薇架綠深桃李蹊語鶯知熟果忙燕聚新泥節
物有常態羈遊無定棲寧須說鵬鷃物理固應齊

宿東魯父店

夕陽低欲盡春淺邑蕭條暝色催歸牧炊煙向晚樵疎
星臨水際遠火隔邨橋黯黯柴門夜棲鴉對寂寥

淮上夜風

縣郭初傳柝船窻已閉逢星低春野路月淡夜淮風煙
水東南闊魚鹽吳楚同久游諳里社賒酒問鄰翁

春望

暖日晴薰草清淮闊浸天地早連遠水城廢入春田日
極風燈外愁懸淚眼邊人生苦多感花柳自年年

初秋對雨

閉戶理殘編疎慵得自便朝涼清病思秋雨對高眠屋
冷深藏燕槐疎濕抱蟬所忻堂下菊芳意已鮮鮮

發長平

歸牛湖上渡去翼望中迷
野水侵官道春蕪沒斷堤
川平雙槳上天闊一帆西
無限消羈恨詩成獨自題

離建雄道中

遠水悠悠靜孤檣裊裊遲
草深春老後麥秀日長時
聚語條桑婦行歌拾穗兒
年豐隨處樂飄泊我何為

夏日五言

過雨芰荷亂繁陰竹樹多
雛聲知鳥哺萍動見魚過
細

逕饒苔蘚陰牆引薜蘿角巾從倒側踈懶欲如何

朝雨來還密邨墟一望間遠聲惟野竹潤色但青山書

史供高卧莓苔只閉關蕭蕭覺秋興飄颻近衰顏

養拙貧無事幽深樂更真簷巢偷哺子樹啄巧藏身竊

果鶯知主移居蟻過鄰老夫朝食美薦俎有溪鱗

謝守常搜句陶潛亦效官傍谿分水細過巘得天寬布

種隨蔬壠尋香到藥欄野裝兒稚笑繩屨鹿皮冠

蛩怨青莎老螢飛積水深庭除延夜色砧杵發秋心雄

劍鳴初匣寒衣補硬針老來詞賦懶從使二毛侵

冬日雜興

小園晴自掃曝日坐前軒野鼠穿山葉寒鳥啄樹根短
籬樊隙地別徑入孤邨幽趣供岑寂淹留不復論

擊柝山城閉疎燈野店扃疾風鳴夜谷晴水動浮星霜
翼歸何晚鄰機織未停短歌時自和愁絕更誰聽

建平途次

野橋田徑滑官路柳條新流水伴遲日疎花留晚春點

空知去翼衝路有歸人自笑諳岐路無勞更問津

白沙阻風

春江風易惡故作客行艱晴日開野色寒朝醒醉顏歸
人出斷岸去翼復前山淹泊吾誰語邨翁亦往還

晨興

端居歲已晏杖履亦蕭然雲露窻前日秋明樹外天大
江寒欲落諸嶺霽逾鮮白首無聊劇昏昏只醉眠

陳師道

寄外舅郭大夫

巴蜀通歸使，妻孥且舊居。
深知報消息，不忍問何如。
身健何妨遠，情親未肯疎。
功名欺老病，淚盡數行書。

從蘇公登後樓

倏作三年別，才堪一解顏。
樓孤帶清洛，林缺見巴山。
五月池無水，千年鶴自還。
白鷗沒浩蕩，愛惜鬢毛斑。

登燕子樓

綠暗連邨柳，紅明委地花。
畫梁初著燕，廢沼已鳴蛙。
鷗

沒輕春水舟橫閣淺沙相逢千歲語猶說一枝花

寒夜

一夜風澎浪中宵月脫雲到窻資少睡遠響倦多聞星
火光相亂江山氣不分早雞先得便斷鴈屢鳴羣

次韻夜雨

暗雨來何急寒房客自醒驟看燈閃閃擬對竹青青聲
到江干靜風回葉上聽更長那得曉歌側想儀型

除夜對酒贈少章

歲晚身何托燈前客未空
半生憂患裏一夢有無中
髮短愁催白顏衰酒借紅
我歌君起舞潦倒畧相同

湖上晚歸寄詩友二首

鬢髮難藏老湖山穩寄身
却尋方外士招作社中人
霜葉深於染秋花晚自春
無人還有礙詩卷莫辭頻

功名違壯志戒律負前身
劉德長欺客王融却笑人
殘年憎送歲病眼怯逢春
杖履知何向如君未厭頻

夏日書事

花絮隨風盡歡娛過眼空窮多詩有債愁極酒無功家
在斜陽下人歸滿月中肝腸渾欲破魂夢更何窮

夜坐有懷

瑣瑣重門閉蕭蕭一再更短檠昏細字高枕笑平生來
鴈防身早秋陽換眼明已須甘酒力不用占時名

次韻無斃雪後

閉閣春雲薄開門夜雪深江梅猶故意湖鴈起歸心草
潤留餘瀝窻明度積陰殷勤報春信屋角有來禽

雪後黃樓寄眉山居士

林廬煙不起城郭歲將窮
雲日明松雪溪山逗晚風
人行圖畫裏鳥度醉吟中
不盡山陰興天留憶戴公

寄潭州張芸叟

湖嶺一都會西南更上游
秋盤堆鴨脚春味薦貓頭
宣室思來暮蒸池得借留
熟知為郡樂不動越鄉愁

雪意二首

睡眠拭朦朧開門雪已濃
客來迷舊徑虎過失新蹤
浦

遠渾無鶴林疎只有松借留如不解酒興若為慵
榆關書不到雪又滿平蕪指冷頻呵玉冑寒屢掩酥綠
斟冬至酒紅擁夜深爐塞上風沙惡征衣得達無

十五夜月

向老逢清節情懷托素輝飛螢元失照重露已沾衣稍
稍孤光動沈沈衆籟微不應明白髮似欲勸人歸

老柏

歲月那能記風霜亦飽經輝輝垂重露點點泊流螢色

與江波共聲留靜夜聽轉因枯槁後潤澤出新青

歸鴈

孤矢千夫志瀟湘萬里秋寧為寶箏柱肯作帛書郵
遠道勤相喚羈懷誤作愁聊寬稻梁意寧復網羅憂

和黃充實詠榴花

春去花隨盡紅榴煖欲然後時何所恨處獨不祈憐
葉自相偶重重久更鮮流珠沾暑雨改色淡朝煙

山口

重霧真成雨，疎簾不隔風。
青林擁紅樹，家鷺雜賓鴻。
漁屋渾連水，晴湖半落虹。
往來成一老，猶在客途中。

和仲良春晚即事

貧難聘歡伯，病敢跨連錢。
夢豈花邊到，春俄雨裏遷。
一犁闕五秉，百箔候三眠。
只有書生拙，窮年墾紙田。

寓目

曲曲河回復，青青草接連。
去帆風力滿，來鴈雪聲先。
野曠低歸鳥，江平進晚船。
望鄉從此始，留眼未須穿。

宿濟河

燭暗人初寂寒生向夜深
潛魚聚沙窟墜鳥滑霜林
稍作他年計初回萬里心
還家祇有夢更著曉寒侵

和彥詹題遠軒

開窻得遠意興出杳冥
間芳草日邊路片雲天外
山好花和露斲修竹夾藤
刪每許南鄰伴時來一寄
顏

後湖晚坐

水靜偏明眼城荒可當山
青林無限意白鳥有餘閒
身

致江湖上名成伯季間目隨飛雁盡坐待暮鴉還

次韻夏日江邨

漏屋簷生菌臨江樹作門捲簾通燕子織竹護雞孫向
夕微涼進相逢故意存何當加我歲從子問乾坤

次韻觀月

風雲隨落日河漢欲回天隔巷如千里還家已再圓簾
疎分細細江淨共娟娟他日吾何適聽詩說去年

登快哉亭

城與清江曲，泉流亂石間。
夕陽初隱地，暮靄已依山。
度鳥欲何向，奔雲亦自閒。
登臨興不盡，稚子故須還。

春夜

宿鳥一枝足，爭林終日鳴。
庭花當戶發，江月向人明。
雲渡清溪影，風回晚市聲。
夢中無好語，池草為誰生。

秋懷二首

小雨斷復續，回斜落晚風。
寒心生蟋蟀，秋意傍梧桐。
草與遙山碧，花欺晚照紅。
口須談世事，目已失飛鴻。

山斷開平野河回殺急流登臨須向夕風雨更宜秋急
急後飛鴈翩翩不下鷗晚舟猶小待暮雀已深投

住鴈

斷岸通橫木枯荷著早霜一陂堪度歲數鴈不成行市
遠無矰繳年豐足稻粱中原有佳氣不必到衡陽

家山晚立

繞舍苔衣積倚牆梨頰紅地平宜落日野曠自多風禹
跡千年後家山一顧中未休嗤土偶已復逐飄蓬

登城樓

城郭春容晚因行可當游飛來雙蛺蝶自畫一浮鷗峽
險山將合江平水却流同來端興盡且為小遲留

雜題

亂水交如線羣山翠作屏寒輕春悄悄雪盡麥青青霜
草猶疑滑風林漸喜聽生涯鞍馬上歲月短長亭

和賈明叔秋晚見懷

陋巷少行迹故人車馬稀世情方汨沒吾道肯依違萬

葉迎風脫孤雲帶月飛獨憐高義在猶肯問柴扉

范祖禹

多病

多病心牢落經秋鬢颯然風乾桐葉地雨冷菊花天
舊隱荒江漢新居俯澗瀍西都長夢想何日賦歸田

蘇頌

和刁推官蓼花二首

煙雨寒塘外蕭條廣隰中花逢秋至盛人愛水邊紅碎

纈排霜葉纖蕤拂露叢尊壘不見賞留得伴溪翁
蓮疎菊未破野艷獨敷榮濯水紅纓細鋪園步障平露
寒偏發色風勁不摧莖采掇聊供餌丹房助氣清

宣甫以拚欄茶刷見惠繼之以詩依韻奉和

裝橐分餘具茶筒使拂塵製時工匪易得處賞尤頻常
與輪槽並宜為焙匣珍齋中延客語供辦未應貧

和蔡子直

官局誠俱冷交盟信不寒風霜兩鬢白冰蘖一心丹未

剖方州竹猶熏畫省蘭北宮陪論定應似漢丁桓

和冬至紫蒙館書事

秦時迎長日殊方展慶杯關山厭沙磧星斗望昭回月
共寒更永風隨協氣來欲知玉歷正候律應葦莢

贈同事閤使

山路盡陂陀行人涉險多風頭沙磧暗日上雪霜和草
淺鷹飛地冰流馬飲河平生畫圖見不料此經過

彭汝礪

送崑夫庭佐歸寧

春雨傷行色，秋風問後期。
欲吟黃鳥意，更遺白華詩。
家塾求吾友，親庭寄所思。
獨行城壁晚，始悟角聲悲。

宿鄧橋

一舍山頭路，數家溪上邨。
泥塗淹白晝，風月宿黃昏。
松徑笙簧雜，蛙池鼓吹喧。
寂寥無酒興，迢遞有歸魂。

馬上

馬上值寒食，途中非故鄉。
山川勞跋涉，風雨助悲涼。
碧

樹鳥相語幽林花自芳不辭趨道路多愧負春光

自臨川泛舟還歸因假前韻寄粹老提舉兼簡

知府龍圖丈四首

錄二首

邨郭孤煙暝溪山片月斜吾生渾是客所至即為家
春色生顏面寒泉遶齒牙歸歟須載酒一笑慰天涯

舟行朝市隔恣意看溪山天地青春遠江湖白日閒
偶隨鷗獨往却與燕俱還時節清明近應須屢破顏

道傍松竹

細細松千葉紛紛竹萬枝寒聲落幽徑碎影出疎籬冷
逼風霜勁清含雨露滋不須稂莠念自有歲寒姿

先赴東流因寄虞蔣諸君二首

錄一首

相愛不能去欲行還復留山川蕩行色風雨結離愁紅
日千山晚清霜萬木秋回頭望車馬目斷白蘋洲

宿金鉤

絕域三千里窮邨六七家雲深無去鴈日暮有棲鴉霧
擁雲垂野霜連月在沙夜長無復寐寂寞聽寒笳

惠州

霧暗山千疊，冰寒水一涯。
風高天作雪，日晚路迷沙。
居士身如夢，行人驛是家。
青燈無意緒，點點自成花。

李昭玘

出郭閒步

城市不在眼，始知天宇寬。
田園休歲事，風物似江干。
茅屋上斜照，水煙生晚寒。
徑須追野老，笑語暫盤桓。

舟行阻雨

暮雨來何急乘時助發生水邊千樹暗篷底一燈明半
夜起鄉思空波聞鴈聲春風故留客不為阻歸程

道中書懷

竹樹出平岸人家藏遠煙片帆雲度水雙槳鴈隨船綠
變春回地寒生雨後天前塗盡佳境得意且流連

漸入臨淮路移舟每問津行行風逆水處處雨隨人啼
鳥如留客幽花忽見春白魚不論價沽酒莫辭頻

平野青蕪合長橋綠樹低客愁須白酒春意屬黃鸝落

日鄉關遠孤邨煙水迷清明能幾日却遇浙江西

久雨

苦雨經旬久溟濛勢未收細聲來短蓋橫點透重裘澗
曲水流急峯深雲氣浮此生吾自喜所念老農憂

登龍游寺

飛構起崔嵬江晴宿霧開風旂兩州見花供四天來日
月依峰轉魚龍觸石回蓬壺在何處更擬上層臺

過虹縣有作

老態倦羈旅不堪行舸催風高鳥橫度汀轉樹交回雨
過霧猶濕春寒花未開楚僮如見問不為米南來

早秋書事

正晝睡方起門無雀可羅風池亂荷蓋雨徑滿槐鶯齒
髮流年速江湖歸興多終期買船去卧月扣舷歌

十月晦過舍弟庭玉處見諸人碁戰方酣頃之
復過集者皆散獨一枰尚在窻戶間然因成三

篇呈子堂漢臣

錄一首

妙手固多暇，念兵終易窮。戲餘歸一笑，戰罷失羣雄。風
過雨電息，天明星斗空。爛柯人已去，斜日上窻紅。

雨後二篇

苦雨幾十日，滿庭多土花。行螺上牆屋，倒竹卧泥沙。澄
景生涼吹，晴雲變晚霞。却愁清夜夢，無計逐池蛙。

一氣不自息，四時如轉丸。月流天宇靜，風掠葉聲乾。紈
扇已謝事，莎蟲將戒寒。登臨偶有得，不復計悲歡。

春日游金明池

日有江湖思坐無車馬塵橫橋自照水啼鳥不驚人
輦路晴飛絮宮門暗鎖春多情老園吏灑地喜相親

南峯閒步

足健會真賞眼明逃世紛風煙入詩畫杖履逐層雲
水闊天疑盡峯寒日易曛羈人正愁思城角不堪聞

李之儀

昨日偶到北觀蒙君俞元載元發明叔惠然見

過

勝日欣相得曠懷誰與同如何四君子肯顧一衰翁林
杪收殘雨簷牙遞好風歸時不須問更待月如弓

自大乘將遊湯泉道中

迢迢山路永渙渙晚風昏雨歇鳩呼婦年豐稻有孫旅
懷悲暮齒野飯寄前邨只恐今宵夢憑誰續斷魂

宿滴水巖懷趙德麟和壁間韻

瀑水瀉靈竇鏗鏘韶濩音樹深猿嘯月山迴鳥歸林一
曲廣陵散再彈梁父吟天邊有鴻鴈莫寄此時心

游石磧寺寺僧以牌求詩

花石鎖風煙軒楹半似山門連虎溪路橋接趙州關
屈曲深疑步高低屢解顏却應多事夢不伴此身閒

劉季孫

題子瞻揚州借山寺

給事風流在虛亭景越間全臨故宮水盡致別州山
峯勢晴相向嵐光夜不還無時供勝賞歷歷白雲間

林敏功

春日有懷

風高收雨急日暮過窻微
梅蕊初迎臘春溪欲染衣
形容今日是游行昔人非
節物闌愁者歸鴻正北飛

潘大臨

江上晚步

白鳥沒飛煙微風逆上船
江從樊口轉山自武昌連
日月懸終古乾坤別逝川
羅浮南斗外黔府若何邊

謝逸

社日

雨柳重重葉風溪灩灩紋清歡惟煮茗美味只羹芹飲
不遭田父歸無遺細君東臯農事動舉趾待耕耘

謝邁

種竹

開地種修竹得方緣秘經成陰向北宇倒影落中庭直
取內含素豈惟枝鬪青龍鍾玉川子猶擬抱添丁

莫莫堂新竹

僻寂漏茅屋蕭騷新竹枝徑迷人不到蔭密鳥還知綠
色息息換薰風細細吹即看柯葉老不受歲寒欺

螢火

日出知何許宵行有底忙自疑緣寸草不敢近扶桑
瑣碎豈堪數神奇安得長微風迹未掃更待九秋霜

李彭

題呂少馮聽雨堂

碧澗寒侵屋幽雲夜度牆貪看山入座慣聽雨鳴廊苦

乏陰鏗句聊登孺子牀
非君無汲引寄傲學潛郎

洪朋

宿范民水閣

枕水鑿疎櫺雲扉夜不扃
灘聲連地籟林影亂天星
人靜魚頻躍秋高露欲零
何妨呼我友乘月與揚舲



御選宋詩卷三十七



總校官庶吉士臣侍朝

校對官檢討臣蕭九成

騰錄舉人臣李駟